

Broj: 01-02-3-30/17

Sarajevo, 28.02.2017. godine

Z A P I S N I K
17. REDOVNE SJEDNICE PREDSTAVNIČKOG DOMA PARLAMENTA FEDERACIJE
BIH, održane 25.01.2017. godine

Sjednica je počela u 10.55.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, članove Vlade Federacije BiH, goste kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Mirela Halilović, Saša Mitrović, Faruk Ćupina, Kenela Zuko, Boro Krišto, Ljuban Herceg i Bakula Vjekoslav.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Prešlo se na izmjene i dopune dnevnog reda.

U raspravi o izmjenama i dopunama dnevnog reda učestvovali su: Elvir Karajbić i Amra Haračić.

Prijedlog predsjednika Kluba zastupnika SDPBiH da se u dnevni red uvrsti tačka Prijedlog Zakona o izmjenama i dopunama Zakona o pravima branilaca i članova njihovih porodica skraćeni postupak, nije usvojen (34 glasa za, 19 glasova protiv i uz 22 uzdržana glasa).

Prešlo se na izjašnjavanje o hitnosti postupka.

Sa 52 glasa za, 22 glasa protiv i uz četiri uzdržana glasa, usvojeno je da se Prijedlog Zakona o izmjenama Zakona o plaćama i naknadama u organima vlasti u Federaciji BiH razmatra po hitnom postupku.

Na osnovu pojedinačnog izjašnjavanja, sa 55 glasova za, 21 glas protiv i uz osam uzdržanih glasova, usvojeno je da se Prijedlog Zakona o osiguranju razmatra po hitnom postupku.

Sa 54 glasa za, 13 glasova protiv i uz 12 uzdržanih glasova, usvojen je sljedeći:

D N E V N I R E D

1. Prijedlog Zakona o izmjenama Zakona o plaćama i naknadama u organima vlasti Federacije BiH – hitni postupak,
2. Prijedlog Zakona o osiguranju, predlagači: E. Mušić, M. Bošković i V. Švancer - hitni postupak,
3. Prijedlog Zakona o izmjenama i dopunama Zakona o investicijskim fondovima,
4. Prijedlog Zakona o izmjenama i dopunama Zakona o tržištu vrijednosnih papira,
5. Nacrt Zakona o štrajku,
6. Nacrt Zakona o boravišnoj taksi Federacije BiH,
7. Amandmani Vlade Federacije BiH na Prijedlog Prostornog plana područja posebnih obilježja od značaja za Federaciju BiH “Autocesta na Koridoru Vc”,
8. Prijedlog Odluke o prihvatanju zaduženja po Ugovoru o zajmu između BiH i Evropske banke za obnovu i razvoj (EBRD) za realizaciju Projekta Koridora Vc,
9. Izbori i imenovanja.

1. Prijedlog Zakona o izmjenama Zakona o plaćama i naknadama u organima vlasti Federacije BiH – hitni postupak

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dao je Alen Taletović pomoćnik ministra pravde .

Na Prijedlog Zakona amandmane su podnijeli: Midhat Karović (dva amandmana), Mensud Borović (tri amandmana) i Osman Suljagić (jedan amandman),

U raspravi su učestvovali: Osman Suljagić, Elvir Karajbić i Mensud Borović.

Predsjedavajući je kazao da će se Vlada izjasniti o amandmanima, a rad će se nastaviti po slijedećoj tački dnevnog reda.

2. Prijedlog Zakona o osiguranju, (predlagači: E. Mušić, M. Bošković i V. Švancer) - hitni postupak

Prijedlog Zakona utvrdili su zastupnici Edin Mušić, Mladen Bošković i Vesna Švancer.

Prijedlog Zakona razmatrala su nadležna radna tijela i dostavila izvještaje.

Vlada Federacije dostavila je amandman na ovaj Prijedlog Zakona, koji su predlagači prihvatili, pa je postao sastavni dio Prijedloga Zakona (član 127. stav 4. druga rečenica se briše).

Klub zastupnika SDP predložio je pet amandmana, koja predlagači nisu prihvatili.

U ime predlagača dodatno obraloženje dao je Mladen Bošković.

U raspravi su učestvovali: Salmir Kaplan, Jasmina Zubić, Elvir Karajbić i ministrica Jelka Milićević.

U ime Kluba zastupnika SDA Safet Kešo tražio je pauzu od 10 minuta.

Nako pauze nastavilo se sa radom po tački 1. dnevnog reda.

1. Prijedlog Zakona o izmjenama Zakona o plaćama i naknadama u organima vlasti Federaciji BiH – hitni postupak

Predsjedavajući je kazao da je Vlada održala sjednicu u vezi ovog Prijedloga Zakona i amandmana koji su podneseni. Vlada Federacije BiH podnijela je amandman na član 8. stav 5. koji je postao sastavni dio Prijedloga Zakona.

Midhat Karović predložio je dva amandmana koje Vlada nije prihvatila. Mensud Borović predložio je tri amandmana. Vlada je prihvatila amandman I. – u članu 1. Prijedloga Zakona umjesto broja “112/12”, upisati broj “111/12”, a ostatak teksta ostaje isti. Od amandmana II. i III. zastupnik Borović je odustao.

Osman Suljagić predložio je amandman koji je Vlada Federacije BiH prihvatila. Amandman: U članu 2., kojim se mijenja član 5., Zakona, u stavu 1. iza riječi „općinskog“, dodaju se riječi „i gradskog“ a riječi „a nakon konsultacija sa sindikatom“ se brišu.

U istom članu u stavu 2., iza riječi „općinskog“ dodaju se riječi „i gradskog“ a riječi „nakon konsultacija sa sindikatom“ se brišu. U istom članu, iza stava 2. dodaje se novi stav 3., koji glasi: “Utvrđivanje osnovice i bodova vrši se u pregovorima sa reprezentativnim sindikatom, a prije usvajanja Zakona, odnosno Odluke iz stava 1. ovog člana. Ukoliko se ne postigne dogovor, Vlada FBiH, vlade kantona, odnosno gradska i općinska vijeća će utvrditi osnovicu i bod, pri čemu visina osnovice ne može biti niža od prethodno dogovorene, odnosno važeće.”

Dosadašnji stavovi 3. i 4. postaju stavovi 4. i 5.

U ovom stavu 4. na kraju rečenice, tačka se briše i stavlja zarez, te dodaju riječi „a prema podacima Federalnog zavoda za statistiku“.

Amandman I. Midhata Karovića , koji se odnosi na član 2. tačka 8. nije usvojen (20 glasova za, 15 glasova protiv i uz 26 uzdržanih glasova). Amandman II. Midhata Karovića koji se odnosi na član 5. nije usvojen (23 glasa za, 12 glasova protiv i uz 27 uzdržanih glasova).

Predsjedavajući je pozvao zastupnike da se izjasne o Prijedlogu Zakona. Nakon glasanja, Damir Mašić, u ime Kluba zastupnika SDP izrazio je sumnju u rezultate glasanja. Na osnovu pojedinačnog izjašnjavanja, sa 54 glasa za, 15 glasova protiv i uz sedam uzdržanih glasova usvojen je Prijedlog Zakona o izmjenama Zakona o plaćama i naknadama u organima vlasti Federacije BiH.

Prešlo se na izjašnjavanje po tački 2. **Prijedlog Zakona o osiguranju**, (predlagači: E. Mušić, M. Bošković i V. Švancer) - hitni postupak.

Vlada Federacije BiH nije prihvatila amandmane predložene od strane Kluba zastupnika SDP. Zastupnici su se izjašnjavali o amandmanima Kluba zastupnika SDP: Amandman I. (član 128. stav 3.) nije usvojen (32 glasa za, 11 glasova protiv i uz 28 uzdržanih glasova). Amandman II. (član 20. stav 9.) nije usvojen (29 glasova za, 14 glasova protiv i uz 28 uzdržanih glasova). Amandman III. (član 59. stav 3.) nije usvojen (32 glasa za, 19 glasova protiv i uz 21 uzdržani glas). Amandman IV. (član 154. stav 3.) nije usvojen (33 glasa za, 16 glasova protiv i uz pet uzdržanih glasova). Amandman V. (član 157. stav 4.) nije usvojen (31 glas za, 16 glasova protiv i uz 27 uzdržanih glasova).

Predsjedavajući je pozvao zastupnike da se izjasne o Prijedlogu Zakona. Nakon glasanja, Elvir Karajbić u ime Kluba zastupnika SDP izrazio je sumnju u rezultate glasanja. Na osnovu pojedinačnog izjašnjavanja, sa 51 glasom za, 24 glasa protiv i uz tri uzdržana glasa usvojen je Prijedlog Zakona o osiguranju.

3. Prijedlog Zakona o izmjenama i dopunama Zakona o investicijskim fondovima

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dala je Jelka Milićević.

Na Prijedlog ovog Zakona Klub zastupnika SDP podnio je dva amandmana, koje Vlada nije prihvatila.

Zastupnici su se izjašnjavali o amandmanima Kluba zastupnika SDP: Amandman I. (na član 3., mijenja se član 27. stav 2. tačka g) nije usvojen (26 glasova za, 18 glasova protiv i uz 22 uzdržana glasa). Amandman II. (na član 4. novi član 27a., stav 2.) nije usvojen (26 glasova za, 18 glasova protiv i uz 20 uzdržanih glasova).

Predsjedavajući je pozvao zastupnike da se izjasne o Prijedlogu ovog Zakona. Nakon glasanja, Jozo Bagarić u ime Kluba zastupnika HDZBiH izrazio je sumnju u rezultate glasanja, te je na osnovu pojedinačnog izjašnjavanja, sa 50 glasova za, devet glasova protiv i uz 14 uzdržanih glasova usvojen je Prijedlog Zakona o izmjenama i dopunama Zakona o investicijskim fondovima.

4. Prijedlog Zakona o izmjenama i dopunama Zakona o tržištu vrijednosnih papira,

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dala je Jelka Milićević.

U raspravi niko nije učestvovao.

Predsjedavajući je pozvao zastupnike da se izjasne o Prijedlogu ovog Zakona. Nakon glasanja, Jozo Bagarić u ime Kluba zastupnika HDZBiH izrazio je sumnju u rezultate glasanja. Na osnovu pojedinačnog izjašnjavanja, sa 53 glasa za, 11 glasova protiv i uz 12 uzdržanih glasova, usvojen je Prijedlog Zakona o izmjenama i dopunama Zakona o tržištu vrijednosnih papira.

5. Nacrt Zakona o štrajku

Nacrt Zakona utvrdila je Vlada Federacije BiH.

Nacrt Zakona razmatrala su nadležna radna tijela i dostavila izvještaje. U ime Vlade Federacije BiH dodatno obrazloženje dao je ministar Vesko Drljača. U raspravi su učestvovali: Dževad Adžem, Mira Grgić, Elvir Karajbić i Mujo Hasić. Predložen je zaključak o kojem su se zastupnici izjašnjavali. Sa 56 glasova za, pet glasova protiv i uz devet uzdržanih glasova, usvojen je sljedeći:

Z A K L J U Č A K

Predstavnički dom Parlamenta Federacije BiH prihvata Nacrt Zakona o štrajku, te smatra da može poslužiti kao dobra osnova za izradu prijedloga Zakona. Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge iznesene u raspravi kao i one koje su dostavljene ili će biti dostavljene u pisanoj formi.

6. Nacrt Zakona o boravišnoj taksi Federacije BiH

Nacrt Zakona utvrdila je Vlada Federacije BiH. Nacrt Zakona razmatrala su nadležna radna tijela i dostavila izvještaje. U ime Vlade Federacije BiH dodatno obrazloženje dala je Kasema Čatović. U raspravi su učestvovali: Jasmina Zubić, Marin Barbarić, Mahir Mešalić, Emina Mutap i Midhat Karović.

Predložen je zaključak o kojem su se zastupnici izjašnjavali. Sa 61 glasom za, jednim glasom protiv i bez uzdržanih glasova, usvojen je sljedeći:

Z A K L J U Č A K

Predstavnički dom Parlamenta Federacije BiH prihvata Nacrt Zakona boravišnoj taksi Federacije BiH te smatra da može poslužiti kao osnova za izradu Prijedloga zakona. Zadužuje se predlagač da provede javnu raspravu u trajanju od 60 dana. Zadužuje se predlagač da prilikom izrade Prijedloga zakona ima u vidu sve sugestije, primjedbe i prijedloge iznesene u raspravi kao i one koje su dostavljene ili će biti dostavljene u pisanoj formi.

7. Amandmani Vlade Federacije BiH na Prijedlog Prostornog plana područja posebnih obilježja od značaja za Federaciju BiH "Autocesta na Koridoru Vc",

Amandmane je dostavila Vlada Federacije BiH.

Predstavnik Vlade Federacije BiH dao je dodatno obrazloženje.

Načelnik Općine Jablanica Salem Dedić obratio se Domu.

U raspravi su učestvovali: Elvir Karajbić, Emina Mutap, Dževad Adžem, Alma Aranut, Nasir Beganović, Ismet Osmanović, Mahir Mešalić, Dževad Adžem, Jozo Bagarić, Jusuf Bubica, Munib Jusufović, Jasmin Kadić, Nermin Nikšić, te u ime Vlade Federacije BiH gospodin Antunović.

Emina Mutap predložila je jedan amandman u vezi ove tačke dnevnog reda koji Vlada nije prihvatila. Zastupnica Mutap tražila je da se zastupnici izjasne o amandmanu a koji nije usvojen (18 glasova za, 17 glasova protiv i uz 35 uzdržanih glasova).

Predsjedavajući je pozvao zastupnike da se izjasne o Amandmanima. Nakon glasanja, Elvir Karajbić u ime Kluba zastupnika SDP izrazio je sumnju u rezultate glasanja. Na osnovu pojedinačnog izjašnjavanja, sa 51 glasom za, 20 glasova protiv i uz dva uzdržana glasa usvojeni su Amandmani Vlade Federacije BiH na Prijedlog Prostornog plana područja posebnih obilježja od značaja za Federaciju BiH "Autocesta na Koridoru Vc".

8. Prijedlog Odluke o prihvatanju zaduženja po Ugovoru o zajmu između BiH i Evropske banke za obnovu i razvoj (EBRD) za realizaciju Projekta Koridora Vc,

Prijedlog Odluke dostavila je Vlada Federacije BiH.

Prijedlog Odluke razmatrala su nadležna radna tijela i dostavila izvještaje.

U raspravi niko nije učestvovao.

Sa 50 glasova za, 11 glasova protiv i uz četiri uzdržana glasa, usvojen je Prijedlog Odluke o prihvatanju zaduženja po Ugovoru o zajmu između BiH i Evropske banke za obnovu i razvoj (EBRD) za realizaciju Projekta Koridora Vc.

Pod tačkom **9. Izbori i imenovanja** nije bilo materijala.

Pedsjedavajući je zaključio rad 17. redovne sjednice u 17.29.

Transkript i prijepis transkripta sjednice čine sastavni dio Zapisnika.

v. d. SEKRETARA
PREDSTAVNIČKOG DOMA
PARLAMENTA FEDERACIJE BIH

Stela Ibrović

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Edin Mušić